



Broj: 01-07-10-269-1/2024
Datum: 16.1.2024. godine

Izveštaj o zaprimljenim i riješenim zahtjevima za pristup informacijama u periodu od 13.09.2023. godine do 31.12.2023. godine

Ovaj Izveštaj je dio izvršenja zakononske obaveze prozašle iz člana 17. Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/3; u daljem tekstu: Zakon).

Visoko sudsko i tužilačko vijeće Bosne i Hercegovine (u daljem tekstu: VSTV BiH) je u periodu od početka primjene Zakona, tačnije od 13.09.2023. godine do 31.12.2023. godine, **zaprimilo 28 (dvadeset osam) zahtjeva za pristup informacijama**, koje su obrađene u skladu sa odredbama navedenog Zakona. Tražene informacije odnosile su se na statističke podatke iz Sistema za automatsko upravljanje predmetima u sudovima i tužilaštvima, sankcije Ujedinjenih nacija, Evropske unije i zemalja zapadne Evrope, statuse predmeta Ureda disciplinskog tužioca VSTV-a BiH i disciplinske postupke koje vodi VSTV BiH protiv nosilaca pravosudnih funkcija, razloge nepodizanja optužnica, pitanja iz oblasti kadrovske politike, postupanje VSTV-a BiH po pitanju zastara krivičnih postupaka, učesnike konkrusne procedure VSTV-a BiH te biografije nosilaca pravosudnih funkcija.

Od navedenog ukupnog broja zaprimljenih zahtjeva za pristup informacijama, 26 (dvadeset šest) zahtjeva su uputila fizička lica, dok je u 2 (dva) slučaja podnosilac zahtjeva bilo pravno lice.

Pristup informacijama **odobren** je u 14 (četnaest) slučajeva, odnosno u 11 (jedanaest) slučajeva je postupljeno u skladu sa članom 25. stav (1), a u vezi sa članom 26. stav (4) Zakona, dok je u 3 (tri) slučaja podnosiocima zahtjeva upućena obavijest da je informacija javno dostupna na web stranici VSTV-a BiH.

Djelomično je odobren pristup informacijama u 6 (šest) slučajeva, na način da je u 3 (tri) slučaja zaključkom odbačen zahtjev zbog nenadležnosti, u jednom slučaju upućena je obavijest da se podnesak djelomično ne smatra zahtjevom, te je u 2 (dva) slučaja odbijen pristup dijelu informacija u skladu sa zakonskim odredbama o ograničenju pristupa informacijama.

U navedenom periodu zaprimljena su 2 (dva) zahtjeva koja su **van nadležnosti** VSTV-a BiH, te su, shodno zakonskoj proceduri, prosljeđena nadležnim tijelima na dalje postupanje.

Pristup informacijama **odbijen** je u 2 (dva) slučaja, te je u 4 (četiri) slučaja upućen **poziv za ispravku**, u skladu sa odredbama člana 23. stav (3) Zakona, odnosno člana 25. stav (2) Zakona.

U navedenom periodu, po informacijama kojim raspolaže Vijeće, nije bilo žalbi po dostavljenim rješenjima, inspekcijskog nadzora i registrovanih prekršaja zbog povrede prava

na pristup informacijama i ponovne upotrebe dokumenta. Na sve zahtjeve za pristup informacijama je odgovoreno u skladu sa Zakonom.

Sastavni dio ovog Izvještaja čini detaljni statistički pregled zahtjeva za pristup informacijama koje je VSTV BiH zaprimio u skladu sa Zakonom u formi Excel tabele.

Dodatno, imajući u vidu da je do 13.09.2023. godine bio na snazi Zakon o slobodi pristupa informacijama u Bosni i Hercegovini ("Službeni glasnik BiH", br. 28/00, 45/06, 102/09, 62/11 i 100/13), u periodu od 01.01.2023. godine do početka primjene novog Zakona 13.09.2023. godine, VSTV BiH je zaprimio 64 zahtjeva za pristup informacijama koja su riješena na sljedeći način: odobren pristup informacijama u 31 slučaju, djelomično odobren pristup informacijama u 14 slučajeva, odbijen pristup informacijama u 4 slučaja, van nadležnosti 4 slučaja, 4 zahtjeva vraćena na doradu zbog nedostatka formalnih uslova te zaprimljene i riješene 3 žalbe na prvostepena rješenja, na način da su sve tri odbijene kao neosnovane i potvrđeno prvostepeno rješenje. U skladu sa odredbama Zakona o slobodi pristupa informacijama u Bosni i Hercegovini i Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, drugostepeni organ koji je postupao po žalbama bilo je Vijeće u cjelini, uz izuzetak predsjednika kao donosioca prvostepenog rješenja.

Izvještaj sačinila:

Edisa Šikalo, službenica za informisanje

